



Broj/Број: 01/2a-50-1-2-26/08  
Sarajevo/Сарајево, 22.4.2008.godine

**ZAPISNIK**  
**zajedničke sjednice Komisije za vanjsku i trgovinsku politiku,**  
**carine, saobraćaj i komunikacije Doma naroda i Komisije za vanjske poslove**  
**Predstavničkog doma Parlamentarne skupštine Bosne i Hercegovine,**  
**održane 22.04.2008. godine**

Zajedničku sjednicu Komisije za vanjsku i trgovinsku politiku, carine, saobraćaj i komunikacije Doma naroda i Komisije za vanjske poslove Predstavničkog doma Parlamentarne skupštine BiH sazvali su predsjedavajući komisija Alma Čolo i Slavko Matić.

Zajedničkoj sjednici, u svojstvu članova Komisije za vanjsku i trgovinsku politiku, carine, saobraćaj i komunikacije Doma naroda, prisustvovali su: Alma Čolo, Adem Ibrahimpašić, Rudo Vidović, Slobodan Šaraba i Branko Zrno, te Nenad Pandurević, sekretar Komisije, i Aida Kreho, stručni saradnik u Komisiji. Odsustvo je opravdala Dušanka Majkić.

U svojstvu članova Komisije za vanjske poslove Predstavničkog doma, prisustvovali su: Slavko Matić, Milorad Živković, Azra Hadžiahmetović, Sadik Ahmetović i Husein Nanić, te Davorin Semenik, privremeni sekretar Komisije. Odsustvo su opravdali: Azra Alajbegović, Milica Marković, Denis Bećirović i Sefer Halilović.

Sjednici je, u svojstvu predstavnika predlagača, prisustvovao Radimir Bogdanović, šef Odsjeka u Ministarstvu vanjskih poslova BiH.

Zajednička sjednica Komisije za vanjsku i trgovinsku politiku, carine, saobraćaj i komunikacije Doma naroda i Komisije za vanjske poslove Predstavničkog doma Parlamentarne skupštine BiH počela je u 16 sati.

Nakon što je konstatirano da u obje komisije postoji kvorum, predsjedavajuća Komisije za vanjsku i trgovinsku politiku, carine, saobraćaj i komunikacije Doma naroda Alma Čolo predložila je sljedeći

**DNEVNI RED**

1. Razmatranje Informacije Ministarstva vanjskih poslova BiH o stanju u DKP mreži i provođenju vanjske politike Bosne i Hercegovine.

*Dnevni red jednoglasno je usvojen.*

**Ad.1. Razmatranje Informacije Ministarstva vanjskih poslova BiH o stanju u DKP mreži i provođenju vanjske politike Bosne i Hercegovine**

U uvodnom izlaganju Alma Čolo, predsjedavajuća Komisije za vanjsku i trgovinsku politiku, carine, saobraćaj i komunikacije Doma naroda, obrazložila je razloge za održavanje zajedničke sjednice dvije komisije. Istakla je da je zajednički kolegij Parlamentarne skupštine BiH zakazao za 23.4.2008. plenarnu sjednicu oba doma za koju je, kao druga tačka, predloženo upravo razmatranje Informacije Ministarstva vanjskih poslova BiH o stanju u DKP mreži i provođenju vanjske politike Bosne i Hercegovine. S obzirom da pomenuta informacija nije razmatrana ni na jednoj od nadležnih komisija domova, predsjedavajući komisija saglasili su se da se održi zajednička sjednica kako bi se obavila što kvalitetnija rasprava i predložili odgovarajući zaključci domovima Parlamentarne skupštine BiH.

Nadalje je konstatirala da je Informacija Ministarstva vanjskih poslova BiH o stanju u DKP mreži BiH i provođenju vanjske politike dostavljena kao odgovor na zaključak sa 18. sjednice Predstavničkog doma kojim je, između ostalog, zahtijevano da Ministarstvo vanjskih poslova BiH, u saradnji s Predsjedništvom BiH, do 1.2.2008., pripremi cjelovitu informaciju o stanju u DKP mreži BiH i provođenju vanjske politike BiH i dostavi je Parlamentarnoj skupštini BiH. U vezi s Informacijom Čolo je konstatirala da je ona prilično suhoparna, s obiljem statističkih podataka i da ne sadrži odgovore koji su traženi zaključkom. Predložila je da se predstavnik Ministarstva vanjskih poslova BiH Radomir Bogdanović obrati članovima komisija i eventualno pruži dodatne informacije.

Bogdanović je ponovio da je Informacija dostavljena kao odgovor na zaključke Predstavničkog doma, te je, s obzirom na to da je dostavljena 31. januara, u određenoj mjeri zastarjela. Pojasnio je da obustavljanje procedura na zatvaranju diplomatskih predstavništava nije u nadležnosti Ministarstva vanjskih poslova BiH. Dodao je da su ambasade u Argentini i Južnoafričkoj Republici zatvorene i osoblje vraćeno. Generalni konzulat u Bonu je zatvoren, odnosno više ne prima zahtjeve, a počela je procedura za otvaranje Generalnog konzulata u Frankfurtu. Države u kojima su zatvorene ambasade sada se nerezidentno pokrivaju i to: Južnoafrička Republika iz Kaira, a Argentina iz Londona. Područje koje je pokriveno iz Generalnog konzulata u Bonu bit će pokriveno dijelom iz novog konzulata u Frankfurtu a dijelom iz Štutgarta i Berlina.

Nakon rasprave, obje komisije jednoglasno su zaključile sljedeće:

1. Komisije su primile k znanju Informaciju Ministarstva vanjskih poslova BiH o stanju u DKP mreži i provođenju vanjske politike Bosne i Hercegovine i konstatirale da Informacija nije u cijelosti odgovorila na zahtjeve iz zaključaka sa 18. sjednice Predstavničkog doma Parlamentarne skupštine BiH kojima je konstatirano i zahtijevano sljedeće:

*“- Predstavnički dom Parlamentarne skupštine BiH izražava nezadovoljstvo prema nadležnim institucijama BiH zbog nedostavljanja informacija o racionalizaciji DKP mreže BiH, donesenih odluka, kriterijima za njihovo donošenje, efektima donesenih odluka te daljnjim koracima u ovoj oblasti.*

*- Predstavnički dom Parlamentarne skupštine BiH traži od Predsjedništva BiH da preispita odluke o zatvaranju Ambasade u Argentini i Konzulata u Bonu. Do završetka procesa preispitivanja Ministarstvo vanjskih poslova BiH zaustavit će sve započete aktivnosti.*

*- Predstavnički dom traži da Ministarstvo vanjskih poslova BiH s Predsjedništvom BiH, do 1.2. 2008., pripremi cjelovitu informaciju o stanju u DKP mreži BiH i provođenju vanjske politike BiH za raspravu u Predstavničkom domu Parlamentarne skupštine BiH.”*

2. Komisije su, također, konstatirale da je Informaciju pripremlilo Ministarstvo vanjskih poslova BiH, dok se iz Informacije ne vidi da li je Predsjedništvo BiH učestvovalo u njejoj izradi, iako je to navedenim zaključkom Predstavničkog doma zahtijevano.

O navedenim zaključcima potrebno je upoznati članove Parlamentarne skupštine BiH.

Sjednica je završena u 16, 40 sati.

PRIVREMENI SEKRETAR

Davorin Semenik

PREDSJEDAVAJUĆI

Slavko Matić